

Transkription von Urkunde SAW 1492b

Ort, Datierung: Salzwedel, 1492-05-21

Signatur: Stadtarchiv Salzwedel, 349/13b

Inhalt: Rat der Stadt Salzwedel: Rentenbeleg

Wy Hans rodenszee Diderick almgkstede Hans besendal Ludeke holtorp Otto vintzelberg Hermen
lijsten / Hans werkmester Clawes brewitze Jacob alem Hoyger wittekop Hans groteian Hanß mu(n)ter
Diderick / mechow Herman chuden Hans merin Kersten hinrickes Werner schermer vnd(e) Hans
gusseuelde Radma(n)ne / to Soltwedel Beke(n)nen ope(n)bar(e) mit disem brefe tugende vor
alszwem(e) dat In vnser Jege(n)wordicheid Jlsze / herman maken nagelaten(e) wedewe vnse
medeborgersche hefft vorkofft recht vnd(e) redeliken to eyne(n) recht(e)n erff=/kope vorkofft ok In
crafft dses brefes vp vnd(e) an ornd boden vor dem(e) sile by Gher(e)ke hermens belegen / Hans
werkemester(e) vnd(e) Dderick brewitzen vorstender(e)n der Capellen vnd(e) hospital(e)n su(n)te
Jurgen vor / vnser Stad beleg(e)n vnd(e) or(e)n nakomelingen to der Capellen vnd(e) hospital(e)n
behuff Twe pu(n)t pe(n)ninge / Jarliker rent(e)n vnser Stad weringe Vor vefftig mark pen(n)ge der
sulue(n) weringe de or(e) wol to dancke / vornuget vnd(e) betalet syn dise twe pu(n)t pen(n)ge
Jarliker rent(e)n wil vnd(e) schal Jlsze vpgenom(e)n vnd(e) orer vor=/gescreu(en) boden besitter(e)
Den erg(e)nant(e)n vorstender(e)n vnd(e) or(e)n nakomeling(e)n alle Jarlikes to vir tijden desz / Jares
Alse to su(n)te Michaelis daghe to wynacht(e)n to paschen vnd(e) to su(n)te Joha(n)nis dage
midde(n)so(m)mer(en) to ichliker / tijd Teyn schillingk pen(n)ge der erscreuen weringe sunder
vartoch vnd(e) weddersprake entricht(e)n vnd(e) betalen / Doch der erbenom(e)den Jlszen vnd(e)
or(e)n boden besitter(e) den wedderkôp hir ann(e) tobeholden(en) alse wa(n)ner(e) on / dat so wol
bequem(e) isz De(n)ne moghen vnd(e) schollen sie den erbenom(e)den virstender(e)n vnd(e) or(e)n
nakomeling(e)n / sodann(e) vefftig mark pen(n)ge houetsu(m)men mit allen bedaged(e)n
nastellig(e)n rent(e)n vul vnd(e) all entricht(e)n vnd(e) / betalen vnd(e) alsede(n)ne schollen or(e)
vnd(e) orer(e) boden besitter(e) sodan(e) twe pu(n)t pen(n)ge Jarliker rent(e)n wedder lôsz qwijt /
vnd(e) fryg vnd(e) dise breeff machteloos syn To orkunde hebben wy vnser olde(n)stad Ing(esegel)
witlik(e)n hang(e)n het(e)n / an disen breeff Na cristi vnser her(e)n gebord virteynhundert Jar(e) dar
na Im(e) twe vnd(e) Nege(n)tigsten Jare / Am(e) Mandage na Dem(e) Sondage Cantate /